

中州名賢集



中州名賢集



國朝中州名賢集卷三

逸庵耿先生文鈔目錄

辭輔導疏

士君子立身行己法度論

孔門言仁言孝之旨說

與彭廣文書

與彭德馨廣文書

與彭德馨廣文書

與梁樹百書

與常持庵書

與冉永光書

與竇敏修書

冬至日與書院諸公帖

答許西山先生書

與李湯園先生書

寄竇靜庵庶常書

與王明府書

與許西山先生書

與李泗宗書

與傅公定書

嵩陽書院講學日錄小序

跋冉永光嵩陽詩

重脩登封縣儒學記

嵩陽書院講學紀事

百思箴

并序

楚南湘潭後學黃舒昂編輯

國朝中州名賢集卷三

逸庵耿先生文鈔

辭輔導疏

六月十二日禮部尚書管詹事府詹事湯斌詹事府少詹事兼翰林院侍講學士耿介奏爲

聖主諭教精詳

青宮睿學盡善輔導重任萬難冒昧忝竊事恭惟

皇上聲律身度一言一動皆足垂法萬世至諭教之善尤爲亙古未有頃奉

旨選擇輔導九卿博採內外無敢應命誠以任大責重

未易漫舉臣等在諸臣中尤屬至愚極陋無足比數乃蒙

聖恩及之間

命驚惶不知所措數日以來躬侍

皇太子左右仰見

睿學淵深自強不息四書諸經任舉一篇無不闡發精微表裏貫徹卽下及書法之細亦皆精妙雖英敏性成猶竟日誦讀不輟而視聽言動靜正端莊潏暑之中曾無惰容此皆臣等躬親儀範益仰我

皇上諭教之善實

宗社萬年無疆之慶臣等惟有懼怖踴躍而已若以

等愚陋疎拙之人冒輔導至大之任罪戾深重一刻難

容況臣等年力衰邁言動輕率愆過多端難逃

聖鑒倘有疎忽臣等一身冒罪所關猶小而有負

皇上生成深恩所關實大也臣等萬萬不敢忝竊謹冒

死陳情伏乞

皇上俯察愚忱收回成命以安臣分臣等不勝惶悚戰

慄之至爲此具本謹具奏

聞

其以正德其本不致其
其以正德其本不致其
其以正德其本不致其
其以正德其本不致其
其以正德其本不致其

其以正德其本不致其
其以正德其本不致其
其以正德其本不致其
其以正德其本不致其
其以正德其本不致其

士君子立身行己法度論

蓋嘗曠觀古今數千年之間其所以正己率物興道致治爲天地扶氣運爲朝廷持紀綱聲望著於一時功名垂於後世惟是一二士君子而已矣然往往性定而瘖之以識學成而堅之以守卓然獨立之際而行有軌物如律之嚴如矩之方大節咸敦身名俱奉者誠非無所挾持而然也東漢陳太邱送張讓父喪善類賴以保全者甚衆史則譏其枉尋直尺以爲士君子立身行己自有法度有義有命豈可以此爲法蓋嘗論之東漢之世士大夫處權臣宦豎之間率皆激勵廉恥蘊義生風正

色直辭抑遏貴勢可謂振拔污濁之中卓絕流俗之表者矣然識者未嘗不惜其過激也陳太邱因而濟之以委蛇不憚少自抑損庶幾小人蓄怒不極則爲禍不烈其亦沈潛剛克之道則然與而吾以爲皆非也蓋君子之去小人有道或格君心以去之或謹於自治以去之夫桓靈之間威權下移小人憑藉以弄國柄吾意衆君子者宜積誠感動冀幸君之一悟正心以正朝廷則陽剛在上陰邪自遠乃不爲納約自牖之計而激於一時之氣如李膺破柱殺一張朔而張讓固自在也馮緄者治殺一單遷而單超固自在也不拔其根而欲翦其枝

將無昧於格心之義者與且小人之窺君子嘗密必兢
兢業業敬以自持操心危而慮患深使彼無所乘以肆
其害然後可也乃小人千方以伺我之隙而衆君子高
自標榜危言激論適以開其釁而速之謗此豈所謂謹
於自治者耶君子之待小人亦有道或潔身以待之或
持正以待之易之否曰君子以儉德避難言當否時宜
收斂其德以避小人之難也而黨錮之禍太邱亦與焉
身處難中而欲免人於難豈潔身之道則然與小人之
所爭者勢利也我惟以道義勝之平居嚴氣正性毅然
不苟而復靜以養識沈以觀變故昔人謂磨不磷涅不

緇自是大聖人事今舍其道而欲行權以濟不於守正之義有損與卽所稱善類皆海內人豪矢志忠貞之死靡他豈必藉太邱如此之屈辱以苟全其身哉而況當日身繫重望如李膺范滂杜密及所號八俊八顧之流一時皆受其禍則善類賴以保全者果何在耶或曰潁川四長太邱爲最然則其人終可非與曰聖人之道貴乎得中進退存亡與時偕行夫惟郭泰旣明且哲以保其身申屠蟠見幾而作不俟終日其庶幾矣

孔門言仁言孝之旨說

先儒每說孔門言仁之旨而未及孝夫仁道至大亦至精聖人亦罕言之今止說個仁猶且渾淪無依據說個孝便自使人好用功夫學者識得此義這正是聖學本天處蓋天地以生物爲心者也天地生物之心只是一元吾人得天地生物之心以爲心者也吾人得天地生物之心只是一仁乃仁主於愛而愛莫先於愛親這箇發出來便是孝由是而親親仁民愛物以至於參贊位育無不是這個推致無不是這個充周今觀一部論語孔門弟子不是問仁便是問孝夫子答之雖各不同然

仁孝只是一理仁者孝之本體孝者仁之發用非有二也何也吾夫子贊易首乾元而自言行在孝經故以孝經授曾子曾子仁以爲己任而一生臨深履薄始終只是個孝夫子之言曰君子無不敬也身爲大身也者親之枝也敢不敬與又曰仁人之事親也如事天事天如事親是故孝子成身又曰斷一樹殺一獸不以其時非孝也曾子之言曰大孝尊親其次不辱其次能養又曰居處不莊非孝也事君不忠非孝也涖官不敬非孝也朋友不信非孝也戰陳無勇非孝也又曰身也者父母之遺體也行父母之遺體敢不敬乎蓋聖賢之言孝如

此大哉孝乎歟之不越方寸念慮之微極而至於天地
神明之著近之不過家庭庸行之常推而及於四海民
物之大人能隨時隨處體貼一個孝字則一切非禮非
義之事自然有不敢爲自然有不忍爲渾然天理之公
而無一毫人欲之私矣故曰仁孝一理也吾人要學爲
聖賢先要學爲仁人要學爲仁人先要學爲孝子然則
學之道如何曰昔仲弓問仁夫子告之亦惟敬恕而已
敬則存養得這天理完全恕則推廣得這天理周遍無
一處非孝之所流通卽無一處非仁之所貫注則吾人
之心一天地生物之心也聖學本天不益信哉